


# في اليوم العالمي للأسرة.. رصد لأهم الأرقام الخاصة بصرف الأسر على التعليم.

في سنة 1993، الأمم المتحدة أعلنت 15 مايو، يوم عالمي للأسرة .


وبالمناسبة دي هنركز على أهم الأرقام الخاصة بالأسرة في صرفها على التعليم:

وفقا لآخر تقرير من الجهاز المركزي للتعبئة والإحصاء، أغلب إنفاق الأسر بيروح على التعليم، الدروس الخصوصية بنسبة 37.7%. أما المصروفات الدراسية فبتمثل 30.8%. غير تحمل الأسرة لتكاليف تانية زي الكتب بنسبة 14.2%، ومصاريف الانتقال 9.4%، والملابس 5.7%. ده كله على المستوى الإجمالي.




بس لما بنشوف التقسيم في الريف والحضر ، بنلاحظ اختلاف في أولويات الصرف عند الأسر، يعني في الريف الفرق شاسع بين صرفهم على الدروس الخصوصية والمصروفات الدراسية، زي ما ظاهر في الجدول، بنسبة 45.6% على الدروس الخصوصية، و 16.4% لمصروفات المدرسة. أما في الحضر الأسر بتصرف كثير على الدروس الخصوصية لكنها تقدر تتحمل انها تدخل ابنائها في مدارس خاصة، عشان كده الفرق مش كبير ، 37.7% للدروس الخصوصية و 30.8% مصروفات دراسية.

## حضر




## ريف




وهنا يظهر الجدول على المستوى الإجمالي ، إن أغلب الطلاب في مدارس حكومية، بنسبة 68.6%، في مقابل المدارس الخاصة بنسبة 28.2 ، والأزهرية بنسبة و3.2% ، وده مؤشر على أن كثير من الأسر مش بتقدر تتحمل تكاليف المدارس الخاصة، وبتروح للمدارس الحكومية. وبتغطى ده عن طريق الدروس الخصوصية.

لكن معروف إن أغلب المدارس الخاصة بتتمركز في المناطق الحضرية، اللي فيها الأسر اللي قادرة تتحمل التكاليف، عشان كده شوفنا فوق الفرق شاسع بين الصرف على الدروس والمصروفات المدرسية في الريف.




وجزء ثاني من تفسير ده، ببيظهر من علاقة الفقر مع التعليم، فأغلب الأسر الفقيرة موجودة في الريف أكثر من الحضر، وده بيخلي كتير من الأسر في الريف مش قادرة تتحمل مصروفات المدارس الخاصة، وبتحاول تعوض أبنائها بالدروس الخصوصية، وطبعاً ده غير إن فيه بنود ثانية بتأخذ من داخلهم زي الكتب الخارجية والملابس والانتقالات.



ولما نشوف خريطة الفقر في مصر على مستوى المحافظات، هنلاقي محافظة أسيوط بتتصدر بنسبة 66.2%، وبعدها سوهاج 59.6%، والأقصر 55.3%، والمنيا 54.7%، والوادي الجديد 52.6%. يعني أكثر من نصف المحافظات دي بتعاني من الفقر. وده بيخلي الأسر مش بس عاجزة عن الصرف على بنود التعليم، لا كتير منهم كمان بيسربوا أبنائهم من التعليم، عشان يساعدوهم في ظروف المعيشة، وتفضل دائرة الفقر مستمرة.



## نسبة الفقر في المحافظات لعام ٢٠١٨/٢٠١٧




(الصورة من تقرير نتائج بحث الدخل والإنفاق والدعم الغذائي ومؤشرات الفقر وخريطة الفقر


(2017/2018

و ده بيظهرلنا في علاقة الحالة التعليمية للأسرة مع صرفها على التعليم، فكل ما يعلى المستوى التعليمي لحالة الأسرة، بيزيد صرفها على التعليم.

وكمان فيه ارتباط بين الفقر والحالة التعليمية، فكلما كان مستواك التعليمي أعلى، هتلاقي وسيلة أفضل للخروج من دائرة الفقر.



## نسبة الفقراء حسب الحالة التعليمية



٤١

\*جميع البيانات المذكورة معتمدة على بيانات الجهاز المركزي للتعبئة والإحصاء لعام 2017/2018

